



O'ZBEKISTON RESPUBLIKASI SIRDARYO VILOYATI HOKIMINING QARORI

2023 - yil 24 - fevral

64-9-0-Q/23

Sirdaryo viloyati hokimligi

Guliston shahar “Yangi hayot” mahalla fuqarolar yig‘ini “Yangi hayot” massivida barpo etilayotgan ko‘p qavatli uylarni ichimlik suvi bilan ta‘minlash obyektida suv saqlash inshootlarini qurish uchun davlat va jamoat ehtiyojlari uchun doimiy foydalanishga yer uchastkasi ajratish to‘g‘risida

O‘zbekiston Respublikasi Prezidentining 2022-yil 30-dekabrdagi “2023-2025-yillarda O‘zbekiston Respublikasining ijtimoiy va ishlab chiqarish infratuzilmasini rivojlantirish chora-tadbirlari to‘g‘risida”gi PQ-465-sonli qarori ijrosini ta‘minlash maqsadida, O‘zbekiston Respublikasi Vazirlar Mahkamasining 2021-yil 27-avgustdagi “Yer uchastkalarini davlat va jamoat ehtiyojlari uchun doimiy foydalanishga ajratishning ma‘muriy reglamentini tasdiqlash to‘g‘risida”gi 543-sonli qarori hamda viloyatning vakolatli organlarining kelishuv xulosalari asosida, O‘zbekiston Respublikasi “Yer kodeksi”ning 5, 20-moddalari va “Mahalliy davlat hokimiyati to‘g‘risida”gi Qonunning 6, 10, 25-moddalariga muvofiq **qaror qilaman:**

1. Guliston shahar “Yangi hayot” massivida barpo etilayotgan ko‘p qavatli uylarni ichimlik suv bilan ta‘minlash obyektida suv saqlash inshootlarini qurish uchun “Yangi hayot” MFY hududining tuman hokimligi zaxira yer fondidagi qishloq xo‘jaligida foydalanilmaydigan boshqa yerlardan 50 m x 100 m o‘lchamda ilovadagi chizmaga asosan davlat va jamoat ehtiyojlari uchun Y-1724401007/4 unikal raqamli 0,5 gektar yer uchastkasini Davlat aktivlarini boshqarish agentligi Sirdaryo viloyati hududiy boshqarmasiga doimiy foydalanish huquqi bilan ajratilsin.

2. Davlat aktivlarini boshqarish agentligi Sirdaryo viloyati hududiy boshqarmasiga doimiy foydalanish huquqi bilan ajratilgan yer maydonlari ko'p qavatli uylarni ichimlik suv bilan ta'minlash obyektida suv saqlash inshootlarini qurish uchun "Suv ta'minoti va oqova suv obyektlari qurilishi bo'yicha injiniring kompaniyasi" unitar korxonasi Sirdaryo viloyat hududiy boshqarmasiga ijaraga berilishini ta'minlasin.

3. Davlat kadastrlari palatasi Sirdaryo viloyati boshqarmasi (B.Minasipov) yer uchastkasiga bo'lgan huquqni davlat ro'yxatidan o'tkazsin hamda viloyat yer hisobotiga tegishli o'zgartirishlar kiritsin.

4. Ushbu qarorning bajarilishini nazorat qilish viloyat hokimining birinchi o'rinbosari A.Karimov va viloyat hokimining o'rinbosari V.Ibadullayev zimmasiga yuklatilsin.

Sirdaryo viloyati hokimi v.b



A.Mahmudaliev